



Broj: 10/E-11-7850/24  
Sarajevo, ~~24. 01. 2025.~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-238/24 od 25.03.2024. godine, (u daljem tekstu: Komisija III), u postupku javne nabavke: Usluge izrade projektne/tehničke dokumentacije za rekonstrukciju i nadogradnju javne rasvjete na području Općine Centar (Zapisnik o pregledu i ocjeni ponuda broj: 10/E-11-7850/24 od 16.01.2025. godine), Općinski načelnik donosi

### **ODLUKU O IZBORU NAJPOVOLJNIJEG PONUDAČA**

- I.** Prihvata se ponuda prvorangiranog ponuđača **„ARTING BH“ d.o.o. Sarajevo**, ulica Nikole Šopa broj 9,71210 Ilidža, broj: 002-01/25 od 09.01.2025. godine, za usluge izrade projektne/tehničke dokumentacije za rekonstrukciju i nadogradnju javne rasvjete na području Općine Centar, putem konkurentskog zahtjeva za dostavu ponuda, sa cijenom u ukupnom iznosu od 12.960,00 KM bez PDV-a, odnosno 15.163,20 KM sa uračunatim PDV-om i rokom za izvršenje usluge 20 (dvadeset) kalendarskih dana.
- II.** Izabrani ponuđač **„ARTING BH“ d.o.o. Sarajevo**, dužan je da u skladu sa članom 45. Zakona o javnim nabavkama u roku od 5 (pet) dana računajući od dana prijema ove Odluke na protokol ugovornog organa dostavi dokumente/dokaze iz tačke 7.1., podtačka 7.1.3. TD (Lična sposobnost), u originalu ili ovjerenoj kopiji.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **Obrazloženje**

Postupak javne nabavke za usluge izrade projektne/tehničke dokumentacije za rekonstrukciju i nadogradnju javne rasvjete na području Općine Centar, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-7850/24 od 24.12.2024. godine. Predmet nabavke nije podijeljen na LOT-ove.

Na portalu javnih nabavki je objavljeno Obavještenje o nabavci broj: 848-7-2-152-3-250/24 od 26.12.2024. godine. Procijenjena vrijednost javne nabavke iznosi 21.000,00 KM bez PDV-a.

U krajnjem roku za predaju ponuda koji određen tenderskom dokumentacijom (14.01.2025. godine do 11:00 sati), na adresu ugovornog organa zaprimljene su 3 (tri) ponude, kako slijedi:

1. ARTING BH d.o.o. Sarajevo
2. Institut za građevinarstvo "IG" Banja Luka
3. MANEDRA-COMPANY d.o.o. Mostar

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena urednost i blagovremenost dostave, pročitane su cijene ponuda i rok za izvršenje usluga, kao potkriteriji u okviru kriterija za dodjelu ugovora „ekonomski najpovoljnija ponuda“, kako slijedi:

RB	Ponudač	Ukupna cijena bez PDV-a (KM)	Popust	Ukupna cijena bez PDV-a i popustom (KM)	Rok izvršenja usluge (kalendarski dan)
1.	„ARTING BH“ d.o.o. Sarajevo	12.960,00	-	12.960,00	20
2.	Institut za građevinarstvo „IG“ d.o.o. Banja Luka	18.999,00	-	18.999,00	30
3.	„MANEDRA COMPANY“ d.o.o. Mostar	18.860,00	-	18.860,00	30

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je jednoglasno konstatovala da dostavljene ponude ponuđača: ARTING BH d.o.o. Sarajevo, Institut za građevinarstvo „IG“ Banja Luka i MANEDRA-COMPANY d.o.o. Mostar ispunjavaju formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve ugovornog organa za predmetnu nabavku, kao i da su prihvatljive u smislu Zakona o javnim nabavkama. Detaljnom računskom provjerom ispravnosti ponude navedenih ponuda, Komisija III je utvrdila da su ponude računski ispravne.

U daljem radu analize dostavljenih ponuda Komisija III je konstatovala da je ponuđač ARTING BH d.o.o. Sarajevo dostavio neprirodno nisku cijenu ponude u odnosu na cijenu ponude drugorangiranog ponuđača. Dana 14.01.2025. godine Komisija III je dostavila ponuđaču „ARTING BH“ d.o.o. Sarajevo, zahtjev za obrazloženje neprirodno niske cijene ponude. Istog dana, tj. 14.01.2025. godine ponuđač „ARTING BH“ d.o.o. Sarajevo je dostavio obrazloženje neprirodno niske cijene, koje je Komisija III jednoglasno prihvatila.

U daljem toku postupka izvršena je ocjena i vrednovanje dostavljenih prihvatljivih ponuda prema pravilima propisanim Zakonom o javnim nabavkama i podzakonskim aktima, kao i proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije.

Primjenom utvrđenih potkriterija: 1. Cijena i 2. Rok izvršenja usluge i bodovanjem elemenata iz prihvaćenih ponuda, u okviru kriterija „ekonomski najpovoljnija ponuda“, u skladu sa članom 64. stav (1) tačka a) Zakona o javnim nabavkama, Komisija III je izvršila bodovanje dostavljenih ponuda kakao slijedi:

KRITERIJ ZA BODOVANJE „ekonomski najpovoljnija ponuda“	„ARTING BH“ d.o.o. Sarajevo	„MANEDRA COMPANY“ d.o.o. Mostar	Institut za građevinarstvo „IG“ d.o.o. Banja Luka
Cijena 95%	$12.960/12.960,00 \times 95 = 95$	$12.960,00/18.860,00 \times 95=65,28$	$12.960,00/18.999,00 \times 95 = 64,80$
Rok izvršenja usluge 5% (kalendarski dani)	$20/20 \times 5 = 5,00$	$20/30 \times 5 = 3,33$	$20/30 \times 5 = 3,33$
UKUPNO (bodovi)	100	68,61	68,13

Na osnovu izvršenog bodovanja, I (prvi) na rang listi sa 100 bodova je ponuđač „ARTING BH“ d.o.o.Sarajevo, II (drugi) na rang listi je ponuđač "MANEDRA COMPANY" d.o.o. Mostar sa ukupno 68,61 boda i III (treći) na rang listi je ponuđač Institut za građevinarstvo "IG" d.o.o. Banja Luka sa ukupno 68,13 bodova za usluge izrade projektne/tehničke dokumentacije za rekonstrukciju i nadogradnju javne rasvjete na području Općine Centar

Shodno svemu naprijed izloženom, Komisija III je jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

prvorangiranog ponuđača „**ARTING BH**“ d.o.o. Sarajevo, ulica Nikole Šopa broj 9,71210 Ilidža, broj: 002-01/25 od 09.01.2025. godine, za usluge izrade projektne/tehničke dokumentacije za rekonstrukciju i nadogradnju javne rasvjete na području Općine Centar, putem konkurentskog zahtjeva za dostavu ponuda, sa cijenom u ukupnom iznosu od 12.960,00 KM bez PDV-a, odnosno 15.163,20 KM sa uračunatim PDV-om i rokom za izvršenje usluge 20 (dvadeset) kalendarskih dana.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe. Žalba se podnosi u dovoljnom broju primjeraka, koji ne može biti manji od 3 (tri).

Prilog: Zapisnik o pregledu i ocjeni ponuda  
broj: 10/E-11-7850/24 od 16.01.2025. godine



#### **Dostaviti:**

1. „**ARTING BH**“ d.o.o. Sarajevo, ulica Nikole Šopa broj 9, 71210 Ilidža
2. **Institut za građevinarstvo "IG" d.o.o. Banja Luka**, ulica Petra I Karađorđevića 92-98,78000 Banja Luka
3. "**MANEDRA COMPANY**" d.o.o. Mostar, Ulica Bišće polje bb, 88000 Mostar
4. Kabinetu općinskog načelnika – Odsjek za javne nabavke
5. Službi za prostorno uređenje i investicije
6. Službi za finansije
7. U spis